

# هاشتاج (الثانوية العامة) يتصدر تويتر ☑️ وطلاب: القرآن ورضا الوالدين سر تفوقنا



الاثنين 31 يوليو 2023 07:21 م

أعلن الدكتور رضا حجازي، وزير التربية والتعليم والتعليم الفني، نسب النجاح في كل شعبة في نتيجة الثانوية العامة 2023 حيث قال وزير التربية والتعليم، إن نسبة النجاح في علمي علوم 78.62%، ونسبة النجاح في علمي رياضة: 79.78%، ونسبة النجاح في الأدبي: 78.74%.

وأضاف وزير التربية والتعليم والتعليم الفني أن النسبة العامة للنجاح في نتيجة الثانوية العامة 2023 بلغت 78.81% مقابل 74.47 في نتيجة الثانوية العامة العام الماضي ☑️

## القرآن ورضا الوالدين

"عمر عبد الرحمن" الأول على الجمهورية في #الثانوية\_العامة: الصلاة ورضا الوالدين والابتعاد عن الفيسبوك سبب تفوقي  
الطالبة فرح محمد قدرتي ممثلة أوائل #الثانوية\_العامة في الإسكندرية: «والدي تلقى النتيجة وأنا أصلي ☑️ وكنت أذكر قدر استطاعتي وقال خالد جمال: أعلى حاجة لما تكون مسافر وتصحى من النوم تلاقى فرحة عمرك وبتنك بترن عليك وتقولك بابا انا نجت الحمد لله الف مبروك وبالتوفيق دايمًا حبيبة بابا خلاص هقول الدكتور ندا انا عاوز تويتير كله يشرب حاجة صاقعة لفرحة حب عمري بنتي الفرحة حلوة ربنا يفرح قلوبكم جميعًا".

## لكم في رجال الدولة عبرة

وقالت إيمان: أحب أقول لكل مُحيطين #الثانوية\_العامة أن لكم ف رجال الدولة عبرة، فيمكنك بالمستقبل ان تُصبح وزيراً للنقل ب 61%، أو رئيس مخابرات للدولة ب 58%، أو من جهات سيادية بمجموع لا يتعدى ال 55%، دي مش نهاية المشوار يا شباب لا دي بدايته، خلي عندك يقين بأن ربنا كاتبك الخير ف مكان ثاني".

وغرد مصري غلبان: "كل سنة تسمع عن بنت البواب وابن عامل النضافة اللي تفوقوا في #الثانوية\_العامة بمجهودهم وتعبد أهاليهم تفرح، بعدها تبجي تبص علي التعيينات تلاقى ابن المستشار مستشار وابن الضابط ضابط وليذهب المتفوقون للجحيم، ويطلع حمار يقولك البلد دي مبتقدمش ليه !!!؟ #ضيعت\_البلد\_يافاجر".

وقالت زادا: "ابنك هينسى النتيجة، بس عمره ما هينسى نظرتك ليه وكلامك ورد فعلك يوم النتيجة ارحموا عيالكم".  
وغرد نيمو النجار: "بتوع #الثانوية\_العامة محدش يزعل من مجموعته واهم حاجه تعرفوا ان اهم من مجموع الثانويه هو مجموعك ف البنك وبما انك مش هتلاقى شغل وعائيش ف مصر والجنه ف الارض ف مافيش مجموع ف البنك فاعل عادي".

## التظلم بالدولار

وقال وطن يعني حصن: "ماكنتوا تخلوا التظلم ب #الدولار بالمره تمشياً مع الهوجة اللي ماشية".  
وأعلن اليوم عن فتح باب التظلم على نتيجة الثانوية العامة 2023، بعد 48 ساعة من إعلان النتيجة، وسيكون تقديم التظلمات ورقياً في الأماكن التي تحددها الوزارة بالمديريات التعليمية، وسوف يسمح للطلاب بالاطلاع على صورة من كراسة الإجابة الخاصة بالمادة المتظلم عليها، موضحاً أن رسوم التظلم على المادة ستكون 200 جنيه ☑️

وقال أحمد حمدي: "في بدايات كثيرة في حياتك ممكن تغيرك حياتك، كلية تدخلها وتكون نقطه انطلاق أو عمل بيك تنجح فيه أو سفريه طوه تنقلك نقله ثانية أو كورس عالي يرفع قيمتك في السوق ومنها الثانوية العامة نجحت فيها لازم تكمل علشان توصل والدليل انك لازم تكمل فشل طلبه طب هذا العام".

وغردت أنوسة: "والله ي جماعة مش عاوزا اصدكم بس التعليم في مصر زي قلته ولا يسوى التعيينات واقفة معاهم ماجستير ودكتوراه وعاطلين يبقى بنتعلم ليه اذا كان الشهادة مجرد ورقة في درج، على الجانب الآخر مصر مش بينجح فيها إلا الرقاصات والنصايين والحرامية والباقي بيعانيي هاجروا ي جماعة".